

Sarajevo, 05.02.2021. godine

Na osnovu člana 64. stav (1) tačka b), člana 70. stav (1) (3) i (6) Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP „Vodovod i kanalizacija“ d.o.o. Sarajevo, te člana 41. Statuta preduzeća, na preporuku Komisije za javnu nabavku broj 50/20-P od 14.01. 2021. godine, u postupku javne nabavke roba br. **50/20-P - „PVC PROZORI I VRATA“**, donosi se :

ODLUKA

o izboru najpovoljnijeg ponuđača

Član 1.

Prihvata se preporuka Komisije za javne nabavke o izboru najpovoljnijeg ponuđača broj 50/20-P od 14.01.2021. godine i Ugovor za javnu nabavku roba: „**PVC PROZORI I VRATA**“– tender broj 50/20-P dodjeljuje se ponuđaču: „**Mega-Roll“ d.o.o. Gračanica**, ponuda broj 94-94/2020 od 10.12.2020 godine za ponuđenu cijenu u iznosu: **54.990,00 KM bez PDV-a**, kao najbolje ocijenjenom.

Član 2.

Prijedlog ugovora o nabavci dostaviti će se na potpis izabranom ponuđaču: „**Mega-Roll“ d.o.o. Gračanica**, po proteku roka od 15 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 50/20-P od 05.11.2020. godine.

Procijenjena vrijednost nabavke iznosi: 55.000,00 KM bez PDV-a, a ista je planirana Planom javnih nabavki za 2020. godinu u poziciji br. 120.

Komisija za javnu nabavku je imenovana Rješenjem br. 50/20 od 25.06. 2020 godine i dodatni članovi komisije imenovani dopunskim Rješenjem br. 50/20-P-1 od 05.11. 2020 godine.

Obavještenje o nabavci broj 247-1-1-190-3-332/20 je objavljeno na Portal javnih nabavki dana 17.11. 2020 godine, a sažetak obavještenja o nabavci je objavljen u „Službenom glasniku BiH“ broj 77. od 27.11. 2020 godine.

Komisija za javne nabavke je dana: 28.01.2021. godine, dostavila Preporuku o izboru najpovoljnijeg ponuđača br. 50/20-P od 14.01.2021. godine i Zapisnik Komisije o pregledu i ocjeni ponuda br. 50/20-P od 14.01.2021. godine, u kojem je konstatovala slijedeće:

Komisija konstatuje da je na osnovu Obavještenja o nabavci br. 247-1-1-190-3-332/20 od 17.11.2020 godine, proveden postupak javne nabavke putem otvorenog postupka te je izvršeno javno otvaranje ponuda dana: 15. 12. 2020 godine u 13:15 sati, a što je konstatovano zapisnikom sa otvaranja ponuda br. 50/20-P

Za predmetnu javnu nabavku dostavljeno je pet (5) ponuda ponuđača:

1. Ponuđač: „Delux Ekostil“ d.o.o. Lukavac
2. Ponuđač: „Gradnja Bor“ d.o.o. Bugojno
3. Ponuđač: „Mega-Roll“ d.o.o. Gračanica
4. Ponuđač: „GTR“ d.o.o. Mostar
5. Ponuđač: G.D. „Konstrukcije“ d.o.o. Mostar

Navedeni ponuđači su preuzeli tendersku dokumentaciju sa Portala javnih nabavki i samim tim ostvarili pravo učešća u postupku.

Dostavljanje zapisnika sa otvaranja ponuda izvršeno je prema ponuđačima u zakonskom roku.

Nakon izvršenog otvaranja ponuda Komisija je dana: 16. 12. 2020 godine pristupila pregledu i ocjeni pristiglih ponuda u formalnom smislu: oblika ponuda (numeracija, uvezivanje i dr.), cjelovitosti odnosno potpunosti ponuda.

Komisija je utvrdila da dostavljene ponude ponuđača „Delux Ekostil“ d.o.o. Lukavac, „Gradnja Bor“ d.o.o. Bugojno, „Mega-Roll“ d.o.o. Gračanica, „GTR“ d.o.o. Mostar i G.D. „Konstrukcije“ d.o.o. Mostar ispunjavaju zahtjevane tenderske uslove prema obliku i potpunosti u smislu pripreme ponude.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđači				
		„Delux Ekostil“ d.o.o. Lukavac	„Gradnja Bor“ d.o.o. Bugojno	„Mega-Roll“ d.o.o. Gračanica	„GTR“ d.o.o. Mostar	G.D. „Konstrukcije“ d.o.o. Mostar
1.	Tačka: 13 TD: Izjava o ispunjenosti uslova iz člana 45. stav (1) tačka od a) do d) Zakona o javnim nabavkama – Aneks IV; Prilog 3.	DA	Nije u skladu sa zahtjevima iz TD	DA	DA	DA
2.	Tačka: 14.1. TD: Izjava o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 4.	DA	Nije u skladu sa zahtjevima iz TD	DA	DA	DA
2.1.	Tačka: 14.1. TD: Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	DA	DA	DA	DA	DA
3.	Tačka 14.3 TD: Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA	DA	DA	DA	Nije u skladu sa zahtjevima iz TD

Pregledom ponude ponuđača G.D. "Konstrukcije" d.o.o. Mostar komisija konstatuje da je ponuđač G.D. "Konstrukcije" d.o.o. Mostar u svrhu dokazivanja da ispunjava postavljeni tenderski uslov iz tačke 14.3 tenderske dokumentacije „Sposobnost obavljanja profesionalne djelatnosti“ dostavio ovjerenu kopiju „Aktuelnog izvoda iz sudskog registra“ sa datumom izdavanja 12.08.2020 godine. Obzirom da je datum izdavanja dostavljenog dokumenta 12. 08. 2020 godine, a datum zaprimanja ponude na protokol ugovornog organa 14.12.2020 godine, konstatovano je da je dostavljeni „Aktuelni izvod iz sudskog registra“ stariji od tri mjeseca od dana izdavanja, a računajući od dana predaje ponude, a što nije u skladu sa postavljenim tenderskim uslovom koji se tiče starosti zahtijevanog dokumenta.

Ponuđač G.D. "Konstrukcije" d.o.o. Mostar nije postupio u skladu sa postavljenim tenderskim uslovom iz tačke 14.3 tenderske dokumentacije, kojim je izričito zahtijevano da je ponuđač u svrhu dokazivanja sposobnosti obavljanja profesionalne djelatnosti dužan dostaviti: *Original ili ovjerenu fotokopiju Aktuelnog izvoda iz sudskog registra ovjerenu od strane nadležnog organa – Sud, Opština ili notar ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.*

U slučaju da se u ponudi ne dostave navedeni dokazi sposobnosti obavljanja profesionalne djelatnosti iz ove tačke tenderske dokumentacije ili se ne dostave u formi i na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju.

Obzirom na navedeno, komisija konstatuje da ponuđač G.D. "Konstrukcije" d.o.o. Mostar nije dokazao ispunjenost postavljenih kvalifikacionih uslova na način kako je to zahtijevano tenderskom dokumentacijom odnosno ponuda ponuđača G.D. "Konstrukcije" d.o.o. Mostar ne ispunjava zahtjeve ugovornog organa tražene tenderskom dokumentacijom, te se ponuda ovog ponuđača u skladu sa odredbama članom 68. stav (4) tačka i) Zakona o javnim nabavkama odbacuje kao neprihvatljiva i ista nije predmet daljeg razmatranja.

Ponuđači „GTR“ d.o.o. Mostar i „Delux Ekostil“ d.o.o. Lukavac u dostavljenim izjavama iz čl. 45. ZJN i 47. ZJN nisu naveli broj Službenog glasnika BiH.

Komisija je stava da ne popunjavanje broja Službenog glasnika BiH u navedenim izjavama u konkretnoj nabavci ne predstavlja nedostatak zbog kojeg bi ponude trebale biti odbačene jer se iz sadržaja izjava nesporno utvrđuje da se iste odnose na predmetni postupak nabavke, te su iste uredno potpisane i ovjerene, a također je upisan tačan naziv predmeta nabavke, naziv ugovornog organa kao i broj obavještenja o javnoj nabavci.

Pregledom ponude ponuđača „Gradnja Bor“ d.o.o. Bugojno, komisija za javne nabavke je konstatovala da dostavljeni dokumenti: Izjava o ispunjenosti uslova iz člana 45. stav (1) tačaka od a) do d) – Aneks IV; Prilog 3., i Izjava o ispunjenosti uslova iz člana 47 – Aneks V; Prilog 4 Zakona o javnim nabavkama nisu popunjene traženim podacima na način i u formi koje propisuje Agencija za javne nabavke i Uputstva za pripremu modela tenderske dokumentacije i ponuda („Sl. glasnik BiH“, broj 90/14, 20/15) kao i aneksima tenderske dokumentacije.

Komisija konstatuje da ponuđaču nedostaju svi podaci koji su traženi Izjavom što je suprotno odredbama Zakona o javnim nabavkama i podzakonskim aktima i uslovima iz tenderske dokumentacije koja sadrži navedene obrasce sa traženim podacima.

Također, ponuđač je isti propust izvršio i u Izjavi o ispunjenosti uslova iz člana 52. ZJN.

Shodno navedenom, ponuda ponuđača „Gradnja Bor“ d.o.o. Bugojno ne ispunjava zahtjeve Ugovornog organa koji su traženi tenderskom dokumentacijom, te se ista u skladu sa odredbama člana 68. stav (4) pod i) Zakona o javnim nabavkama odbacuje kao neprihvatljiva i ista nije predmet daljeg razmatranja.

Komisija konstatuje da ponuđači „GTR“ d.o.o. Mostar; „Delux Ekostil“ d.o.o. Lukavac i „Mega-Roll“ d.o.o. Gračanica ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je slijedeće:

R. br.	Ostala zahtijevana dokumentacija/aneksi-prilozi	Ponuđači		
		„GTR“ d.o.o. Mostar	„Delux Ekostil“ d.o.o. Lukavac	„Mega-Roll“ d.o.o. Gračanica
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA	DA	DA
2.	Tačka: 16. TD pod 1: Obrazac za ponudu – Aneks II; Prilog 1.	DA	DA	DA
2.1	Tačka: 16. TD pod 1.1.: Popis dokumenata uz ponudu koji čini sadržaj ponude – Aneks II; Prilog 1	DA	DA	DA
3.	Tačka: 20 TD: Obrazac za cijenu ponude – Aneks III; Prilog 2	Nije u skladu sa zahtjevima iz TD	Nije u skladu sa zahtjevima iz TD	DA
4.	Tačka 31 i 36 TD: Nacrt okvirnog sporazuma – Prilog 7.	DA	Nije u skladu sa zahtjevima iz TD	DA
5.	Tačka: 31 i 37 TD: Nacrt ugovora o javnoj nabavci – Prilog 8.	DA	Nije u skladu sa zahtjevima iz TD	DA
6.	Tačka: 43 TD: Povjerljive informacije – Prilog 6.	DA	DA	DA

Ponuđači „GTR“ d.o.o. Mostar i „Delux Ekostil“ d.o.o. Lukavac u dostavljenoj izjavi iz čl. 52. ZJN nisu naveli broj Službenog glasnika BiH.

Komisija je stava da ne popunjavanje broja Službenog glasnika BiH u navedenoj izjavi u konkretnoj nabavci ne predstavlja nedostatak zbog kojeg bi ponude trebale biti odbačene jer se iz sadržaja izjave nesporno utvrđuje da se ista odnosi na predmetni postupak nabavke, te su iste uredno potpisane i ovjerene, a također je upisan tačan naziv predmeta nabavke, naziv ugovornog organa kao i broj obavještenja o javnoj nabavci.

Pregledom ponude ponuđača „GTR“ d.o.o. Mostar, konstatovano je da Obrazac za cijenu ponude – Aneks III; Prilog 2 nije popunjen kako je zahtijevano tenderskom dokumentacijom. Naime, ponuđač nije popunio sve stavke u Obrascu za cijenu ponude i to u koloni br. 4. „Proizvođač i zemlja porijekla“. Nepopunjavanjem navedene kolone na zahtijevani način iz tenderske dokumentacije traženim podacima ponuđač „GTR“ d.o.o. Mostar nije ispunio zahtjeve ugovornog organa odnosno nije postupio u skladu sa tačkom 20. tenderske dokumentacije „Obrazac za cijenu ponude“ u kojoj je navedeno slijedeće:

Obrazac za cijenu ponude koji je dat kao Prilog 2. tenderske dokumentacije – Aneks III se priprema u skladu sa zahtjevima iz tenderske dokumentacije i čini sastavni dio tenderske dokumentacije.

Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti

obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.

Ukoliko Obrazac za cijenu ponude sadrži više stavki, ponuđač je dužan dati ponudu za sve stavke, vodeći pri tome računa da ukupan zbir cijena svih stavki u specifikaciji ne može biti 0 (nula).

Tačkom 21. tenderske dokumentacije „Način određivanja cijene ponude“ definisano je da ponuđač treba popuniti Obrazac za ponudu i Obrazac za cijenu ponude koji se nalaze u prilogu ove tenderske dokumentacije u skladu sa svim podacima koji su definisani Aneksom II, Prilog 1. i Aneksom III, Prilog 2. tenderske dokumentacije, a što navedeni ponuđač nije učinio. Također navodimo da je tenderskom dokumentacijom u Obrascu za cijenu ponude ispod specifikacije naznačeno i boldirano pod **Napomena: Ponuđač je obavezan popuniti kolonu 4 - Proizvođač i zemlja porijekla i kolone br: 9, 10, 12 i 13 (osim kolone 11 ukoliko se ne nudi popust).**

Shodno navedenom ponuda ponuđača „GTR“ d.o.o. Mostar u skladu sa članom 68. stav (4), tačka i) Zakona o javnim nabavkama se odbacuje kao neprihvatljiva, te ista nije bila predmet daljeg razmatranja.

Pregledom ponude ponuđača „Delux Ekostil“ d.o.o. Lukavac konstatovano je da Obrazac za cijenu ponude – Aneks III; Prilog 2 nije popunjen kako je zahtjevano tenderskom dokumentacijom. Naime, ponuđač nije popunio sve stavke u Obrascu za cijenu ponude i to u koloni br. 4. „Proizvođač i zemlja porijekla“. Nepopunjavanjem navedene kolone na zahtjevani način iz tenderske dokumentacije traženim podacima ponuđač „Delux Ekostil“ d.o.o. Lukavac nije ispunio zahtjeve ugovornog organa odnosno nije postupio u skladu sa tačkom 20. tenderske dokumentacije „Obrazac za cijenu ponude“ u kojoj je navedeno sljedeće:

Obrazac za cijenu ponude koji je dat kao Prilog 2. tenderske dokumentacije – Aneks III se priprema u skladu sa zahtjevima iz tenderske dokumentacije i čini sastavni dio tenderske dokumentacije.

Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.

Ukoliko Obrazac za cijenu ponude sadrži više stavki, ponuđač je dužan dati ponudu za sve stavke, vodeći pri tome računa da ukupan zbir cijena svih stavki u specifikaciji ne može biti 0 (nula).

Tačkom 21. tenderske dokumentacije „Način određivanja cijene ponude“ definisano je da ponuđač treba popuniti Obrazac za ponudu i Obrazac za cijenu ponude koji se nalaze u prilogu ove tenderske dokumentacije u skladu sa svim podacima koji su definisani Aneksom II, Prilog 1. i Aneksom III, Prilog 2. tenderske dokumentacije, a što navedeni ponuđač nije učinio. Također navodimo da je tenderskom dokumentacijom u Obrascu za cijenu ponude ispod specifikacije naznačeno i boldirano pod **Napomena: Ponuđač je obavezan popuniti kolonu 4 - Proizvođač i zemlja porijekla i kolone br: 9, 10, 12 i 13 (osim kolone 11 ukoliko se ne nudi popust).**

Također komisija konstatuje da navedeni ponuđač nije potpisao Nacrt Okvirnog sporazuma - Prilog 7 i Nacrt Ugovora o javnoj nabavci – Prilog 8, a isti je bio obavezan postupiti u skladu sa tačkama 31, 36 i 37 tenderske dokumentacije.

Shodno navedenom ponuda ponuđača „Delux Ekostil“ d.o.o. Lukavac u skladu sa članom 68. stav (4), tačka i) Zakona o javnim nabavkama se odbacuje kao neprihvatljiva, te ista nije bila predmet daljeg razmatranja.

Komisija konstatuje da je ponuđač „Mega-Roll“ d.o.o. Gračanica dostavio ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da je navedeni ponuđač ispunio sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Također je konstatovano da je ponuda ponuđača „Mega-Roll“ d.o.o. Gračanica potpisana od strane podnosioca ponude i ovjerena pečatom ponuđača, te ima broj i datum.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtjevalo.

Računskom kontrolom specifikacije ponude ponuđača „Mega-Roll“ d.o.o. Gračanica konstatovano je da u ponudi ponuđača „Mega-Roll“ d.o.o. Gračanica postoje greške računске prirode i to:

- u izjavi ponuđača (strana 3 ponude) gdje je ponuđač iskazao *cijenu ponude sa uključenim popustom (ukoliko ponuđač ne nudi popust upisuje isti iznos kao što je upisan na mjestu predviđenom za upis cijene ponude bez PDV-a)* u iznosu od 54.990,00 KM. Ponuđač je upisao *PDV na cijenu ponude (sa uključenim popustom)* u iznosu od 9.358,83 KM, a treba iznos 9.348,30 KM. Daljim pregledom konstatovano je da je ponuđač iskazao *ukupnu cijenu ponude sa uključenim popustom + PDV (ako ponuđač nije PDV obveznik, upisuje isti iznos kao što je upisan na mjestu predviđenom za upis cijene ponude sa uključenim popustom)* u iznosu od 64.348,83 KM, a treba iznos od 64.338,30 KM.

Na osnovu navedenog **ukupna cijena** vaše ponude sa PDV-om se mjenja te iznosi **64.338,30 KM**, a ne 64.348,83 KM kako je navedeno u ponudi.

Obzirom na navedeno, dana 05. 01. 2021 godine ponuđaču „Mega-Roll“ d.o.o. Gračanica je upućen zahtjev (broj 13/21) za ispravku greške računске prirode. Dana 05. 01. 2021 godine od strane ponuđača „Mega-Roll“ d.o.o. Gračanica dostavljen je dopis o prihvatanju ispravke greške računске prirode.

Konstatovano je da je ponuđač „Mega-Roll“ d.o.o. Gračanica dostavio Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije (Sl. glasnik BiH broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka a) Zakona o javnim nabavkama.

Vrijednost ponude ponuđača „Mega-Roll“ d.o.o. Gračanica iznosi **54.990,00 KM bez PDV-a.**

Komisija je jednoglasno dala prijedlog Ugovornom organu da za nabavku roba: „PVC Prozori i vrata“ – tender broj 50/20-P donese Odluku o dodjeli ugovora ponuđaču: „Mega-Roll“ d.o.o. Gračanica, broj ponude: 94-94/2020 od 10. 12. 2020 godine, čija vrijednost ponude iznosi: **54.990,00 KM bez PDV-a.**

Iz gore navedenih razloga, primjenom člana 64. stav (1) tačka b) Zakona o javnoj nabavki („Službeni glasnik BiH“ br. 39/14), donesena je Odluka o izboru najpovoljnijeg ponuđača kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :

- Ponuđači
- a/a



v.d. Direktor

Aida Pendek, dipl.ing.građ.